



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓՈԽՎԱՐՉԱՊԵՏ

### Ո Ր Ո Շ ՈՒ Մ

N 560 - Ա

«ՎԱՐԴԱՆՅԱՆ ԸՆՏԱՆԻՔ» ԲԱՐԵԳՈՐԾԱԿԱՆ ՀԻՄՆԱԴՐԱՄԻ ԿՈՂՄԻՑ  
ԻՐԱԿԱՆԱՑՎՈՂ «ՈՒԱԶ ԱՎՏՈՄԵՔԵՆԱՆԵՐԻ ԵՎ ՀԵՂՈՒԿՑԻՐ  
ԹՈՒՆԱՔԻՄԻԿԱՏՆԵՐ ՍՐՍԿՈՂ ՍԱՐՔԵՐԻ ՆՎԻՐԱԲԵՐՈՒՄ»  
ԾՐԱԳՐԻ ՄԱՍԻՆ

---

Հիմք ընդունելով «Բարեգործության մասին» օրենքի 13-րդ հոդվածի 2-րդ մասի 1-ին և 3-րդ կետերը՝

1. Բարեգործական որակել «Վարդանյան ընտանիք» բարեգործական հիմնադրամի կողմից իրականացվող՝ 122,580,000 դրամ արժողությամբ «ՈւԱԶ ավտոմեքենաների և հեղուկցիր թունաքիմիկատներ սրկող սարքերի նվիրաբերում» ծրագիրը՝ համաձայն հավելվածի:

2. Սահմանել, որ «Վարդանյան ընտանիք» բարեգործական հիմնադրամի (ՀՎՀՀ՝ 02269952) կողմից կնքված՝ ստորև նշված պայմանագրերով նախատեսված գործարքներն անմիջականորեն կապված են սույն որոշման 1-ին կետում նշված ծրագրի իրականացման հետ և դրա համար ունեն զգալի նշանակություն՝

1) «ԿԱՐԿՈՄԱՎՏՈ» սահմանափակ պատասխանատվությամբ ընկերության հետ (ՀՎՀՀ՝ 00059627) 2023 թվականի մարտի 23-ին կնքված՝ N 00323 պայմանագրում նշված գործարքը, որով նախատեսվում է 2023 թվականի արտադրության ՈւԱԶ մակնիշի ավտոմեքենաների (12 հատ) ձեռքբերում 121,200,000 դրամի չափով, առանց ավելացված արժեքի հարկի.

2) «Մոտորոլկ» սահմանափակ պատասխանատվությամբ ընկերության հետ (ՀՎՀՀ՝ 05205808) 2023 թվականի մարտի 22-ին կնքված՝ N ՎԸ 007/2023 պայմանագրում նշված գործարքը, որով նախատեսվում է շարժական սրսկիչների՝ հեղուկցիր թունաքիմիկատներ սրսկող սարքերի (6 հատ) ձեռքբերում 1,380,000 դրամի չափով, առանց ավելացված արժեքի հարկի:

3. «Վարդանյան ընտանիք» բարեգործական հիմնադրամին՝ մինչև յուրաքանչյուր եռամսյակին հաջորդող ամսվա 25-ը՝ Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով ներկայացնել տեղեկություններ տվյալ եռամսյակի ընթացքում նշված ծրագրի շրջանակներում կազմակերպության կողմից կատարված աշխատանքների, ինչպես նաև կազմակերպությանը մատակարարված ապրանքների ու մատուցված ծառայությունների մասին, իսկ ծրագրի ավարտից հետո մեկամսյա ժամկետում ամփոփ տեղեկություններ ծրագրի կատարման մասին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ

Երևան